

## UVODNA RIJEČ

Poštovani čitaoci,

Zbornik radova nastavnika i saradnika Islamskog pedagoškog fakulteta Univerziteta u Zenici je svojim kontinuiranim publikovanjem, postavljanjem i poštivanjem visokih standarda u izradi i odabiru radova, zadobio status respektabilne serijske publikacije na Univerzitetu u Zenici i šire.

Stoga je i ovaj deveti broj Zbornika prilog našem velikom nastojanju da, uz poštivanje i primjenu izdavačkih standarda propisanih za serijske publikacije, uspješno privedemo kraju trogodišnji proces njegove evaluacije, indeksacije i uvršavanja u relevantnu bibliografsku bazu podataka EBSCO (Publishing – Business Source Complete). Zahvaljujući kvalitetu prethodnih izdanja, s ponosom možemo istaknuti i to da je Zbornik ove godine uspješno uvršten i u CEEOL (Central and Eastern European Online Library) bazu podataka.

Shodno svojoj strukturi, radovi koje objavljujemo u ovom broju mogu se situirati u naučno-istraživačke oblasti unutar kojih ovaj fakultet uglavnom i razvija svoju naučno-istraživačku djelatnost, a to su: Menadžment kvaliteta u religijskoj edukaciji, Socijalna istraživanja, Vjerske znanosti, Jezik i književnost i Islamska misao i civilizacija. Poseban kvalitet devetog broja Zbornika ogleda se u činjenici da je najveći broj ovih radova od strane recenzenata ocijenjen kao naučni radovi. Stoga se iskreno nadamo da će oni svojim kvalitetnim sadržajem zadovoljiti potrebe i znatiželju dobronamjernih čitalaca, te ih podstaknuti na dublje promišljanje određene tematike i njezinu dalju razradu.

Srdačno se zahvaljujemo svim autorima radova, našim uvaženim recenzentima, Redakciji Zbornika i svim drugim saradnicima koji su svojim predanim i odgovornim radom pomogli pojavljivanju novog broja Zbornika radova koji će, nadamo se, opravdati svoju namjenu i kod čitalaca biti prihvaćen.

Urednica:

Vanr. prof. dr. sc. Mejra Softić